

中華史地名著叢刊

欽定
皇輿西域圖志

清乾隆三十四年
臣等奉
聖
旨
撰

文海出版社
印行

中華民國五十九年三月初版

中華史地名著叢刊

精裝：五冊

欽定 皇輿西域圖志

定價：新台幣

100.51 / 1.500
不二價

清乾隆·傅 恒等奉敕撰

發行人：李 振 華

出版者：文 海 出版 社
臺北縣永和鎮中興街99巷8號

郵政劃撥戶第二七八四號
電話：九二—二六五九號

印刷者：美明美術印刷廠

臺北市康定路二〇二號

經銷者：全省各大書局

內政部登記證內版台業字第〇八〇〇號

版權所有

欽定皇輿西域圖志卷之三十七目錄

封爵一

都爾伯特屬

綽羅斯屬

和碩特屬

輝特屬

土爾扈特屬

欽定皇輿西域圖志卷之三十七

封爵

臣等謹按周禮職方氏辨九服九州之外謂之蕃國。世壹見。蓋言蕃服肆覲。非甸男采衛比。是以寶貴爲贄。既不同於輯瑞。而宮室車旗命卿立軍之制。均未遑及。則象寄狄韞所司。其不在五等之列明矣。漢唐侈語鴻圖。往往遣使冊封。類祇順其國人所推。虛錫名號。宋元明以來。規模狹隘。典制缺如。析圭擔爵之榮。難與同風域。

外我

國家幅員廣遠

恩澤普汜。蒙古內札薩克。暨喀爾喀。青海。西藏諸部。
舊隸藩封。自親王郡王以下。貝勒貝子公。遞爲
差次。其

賜留汗號者。視王爵爲倍優。帶礪光榮。久已量侔
載矣。仰惟

聖天子德威遐播。式廓西陲。乾隆癸酉冬。都爾伯特
部伯克策凌。策凌烏巴什。策凌孟克等。款關內

面。爲準回諸部倡。嗣是輝特。和碩特。鱗集屬至。
爰乘時會。

簡將帥。以新附爲前驅。當

王師入境伊始。壺漿載道。綽羅斯諸台吉。以巨族率
先迎附。兩行風偃。不動戈鋌。衛拉全疆。統歸涵
宥。迨乾隆辛卯。土爾扈特部。復自西北萬里外。
率屬偕來。由是準屬人民。無一不霑醴化。統觀
慕義歸仁之全局。大無外而應自然。圖已曠古
罕倫。我

皇上天地爲懷。班爵錫封。其於忠謹壹節。從征勦力者。承襲

恩榮。世及弗替。若回部舊爵之在哈密。土爾番者。及新附之留依京邸者。以前此五年式集兩勲。山南城郭諸境。胥隸版籍。爰並爲編載。用著衣冠王會之盛。句臚備列九賓。無間於殊方遠徼。猗歟盛哉。志封爵第十四。

欽定皇輿西域圖志卷之三十七

封爵一

都爾伯特屬

按四衛拉特次序。舊首綽羅斯。次都爾伯特。和碩特。土爾扈特。因土爾扈特他徙。附以輝特。茲敘封爵。以都爾伯特歸誠最先。忠謹自保。爰爲首敘。次及綽羅斯。和碩特。輝特。平定西域後十年。土爾扈特來歸。故敘於後。於是新舊四衛拉特始全。至都爾伯特台吉策凌。

首先內附。特封汗號。爲聞風歸來諸部倡。至
今承襲罔替。其綽羅斯部之噶爾藏多爾濟。
和碩特部之沙克都爾曼濟。輝特部之巴雅
爾。雖同時封汗。而旋因攜貳。自卽誅夷。汗號
並除。若土爾扈特部之渥巴錫。則嘉其遠域
歸順。且係舊汗阿玉奇之後。俾襲汗號。而錫
以新名。用昭優異。爲按屬分編。詳注各條下
以備考。其親王。郡王。貝勒。貝子。公諸爵。以次
遞敘。父子兄弟承襲者。各隨條接敘。爲例云。

乾隆十八年冬。準噶爾都爾伯特部。台吉策凌等率衆內附。十九年五月。

觀於熱河。

詔封爵宴賚有差。均授爲札薩克。俾還安游牧。移其

部於阿爾台

今改對音
阿勒坦。

山北。凡都爾伯特部。先

後受封及襲封者。備登如左。

策凌。初封和碩親王。加雙俸。晉封特古斯古魯克汗。卒。子索諾木古木布襲封。

策凌烏巴什。初封多羅郡王。晉封和碩親王。

伯什阿噶什。封和碩親王。

納默庫。初封多羅郡王。晉封和碩親王。

策凌孟克。初封多羅貝勒。晉封多羅郡王。卒。子

巴雅勒當襲封。卒。弟伯斯和勒襲封。

色布騰。封多羅貝勒。加郡王品級。卒。子巴桑襲
封多羅貝勒。

巴圖博羅特。封多羅貝勒。

剛多爾濟。封多羅貝勒。

喇嘛札布。封多羅貝勒。

根敦封固山貝子。

洛壘原端封固山貝子。

額爾得尼封固山貝子。

班珠爾封固山貝子。卒。嗣子奇達襲封。

布圖克森封固山貝子。

孟克特木爾封固山貝子。

瑪什巴圖初封輔國公。晉封固山貝子。

烏巴什封固山貝子。

達木巴都噶爾封固山貝子。

巴圖孟克封輔國公。

剛封輔國公。

布顏特古斯封輔國公。卒。子塞楞襲封。

孟克博羅特封輔國公。

按諸藩列爵舊制。和碩親王。多羅郡王。多羅貝勒。固山貝子。鎮國公。輔國公。凡六等。有

賜稱爲汗者。視王爵加優。志

特恩也。茲準噶爾新附封爵。無鎮國公。自親王以下。及優封汗號。如舊制。綽羅斯以下諸屬同。

綽羅斯屬

乾隆二十年三月。準噶爾綽羅斯部台吉噶爾藏多爾濟等率屬內附。九月

覲於熱河。

詔封爵宴賚有差。均授爲札薩克。十一月。達瓦齊俘至。宥罪加

恩。備藩京邸。澤及世嗣。爲臚敘於左。

噶爾藏多爾濟。封綽羅斯汗。爲札那噶爾布所殺。

達瓦齊。封和碩親王。卒。長子羅布札。降襲多羅郡王。以罪除。次子富塔喜。降襲多羅貝勒。諾爾布林沁。封多羅郡王。

札那噶爾布。封多羅貝勒。以叛誅。

碩爾錐音。初授騎都尉世職。晉封輔國公。以罪除。

哈薩克錫喇。初授騎都尉世職。晉封輔國公。以罪除。

布庫察罕。封輔國公。以叛誅。

尼瑪。初授騎都尉世職。封輔國公。以叛誅。

薩拉爾。封一等公。晉號超勇。以罪除。後復封超勇伯。卒。子玉魯斯襲封。以罪除。

瑪木特。封三等公。晉號信勇。

按外藩錫封。舊無伯爵。薩拉爾以軍功承曠典。在五十功臣列。繪像

紫光閣。並荷

睿裁製贊。邀榮尤至云。

和碩特屬